



Inatsisartunut ilaasortaq
Karen Marie Kyed Frederiksen, Demokraatit
/Uunga

**Sisimiuni eqqakkanik ikuallaavissaq pillugu § 37 naapertorlugu
apeqquteqaammut nr. 056-2025-mut akissut**

Allakkat ulluat: 11-06-2025
Suliap normua: 2025 - 12238
Allagaatip ilisarnaataa:
25433163

Asasara Karen Marie Kyed Frederiksen

Postboks 1614
3900 Nuuk

Inatsisartut Suleriaasianni § 37, imm. 1 tunngavigalugu eqqagassalerinermut
eqqakkanullu ikuallaavissanut tunngatillugu Naalakkersuisunut
apeqquteqaateqarputit.
Apeqqutitit uannit akisassanngorlugit innersuunneqarput.

Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

**1. Sisimiuni eqqakkanik ikuallaaviup pilersinneqarneranut paasissutissat
kingulliit naapertorlugit 2025-mi aasap ingerlanerani atulernissaa
naatsorsuutigineqarpoq. Naalakkersuisut killiffik ersarissoq
nalunaarutigisinnaanarlugu?**

Akissut: ESANI A/S-imit akissuteqartoqarpoq, matuminnga paasissutissiisummik:
"Sisimiuni ESANI-p eqqakkanik ikuallaavissaa misiliummik ingerlanneqarluni
aallartisaleruttorpoq. Tamanna isumaqarpoq, ikuallaavik tamakkiisumik
ikuallaasinnaalereerpoq, tassa ullormut 70 tonsit tungaannut
naammassisinnaalereerpai. Aallartisarneq misiliinerlu juunip naalernerani
naammassineqartussatut naatsorsuutigineqarpoq."

**a. Sisimiuni eqqakkanik ikuallaavik nunatsinni illoqarfinnit nunaqarfinniillu
allanit eqqakkanik amerligaluttuinnartunik aallertarnissamut qanoq
sunniuteqassava?**

Akissut: ESANI paasissutisseeqqippoq, "ESANI-p Nuummi Sisimiunilu eqqakkanik
ikuallaaviit atorlugit, nunatsinni eqqakkat ikuallanneqarsinnaasut tamakkerlugit
suliarinnissinnaanerani. Illoqarfinnilu aammalu nunaqarfinni eqqakkanik
poortoriikkanik pitsaasumik aallertariaaseqartoqalereersoq. Aallertarnermut
suleriutsip 2025 naallugu ukiunilu tulluittuni ingerlaannarnissaa ESANI-p
naatsorsuutigaa."

Eqqakkanik katersineq, immikkoortiterineq poortuinerlu kommunit isumagisaraat.
ESANI akissumminni paasissutisseeqqippoq, "eqqakkanik assartuinissamut
piumasaqaatit malillugit, kommunit ingerlatsinerneq immikkoortortaqarfii
suleqatigalugit illoqarfinni nunaqarfinnilu eqqagassalerinermi suleriaasissiorlutik."

**2. Nuna tamakkerlugu eqqakkanik katersinerup pitsaanagerusumik
ingerlalnissaanut, piffissap qanoq sivisutiginissaa Naalakkersuisut
naatsorsuutigaat?**

Akissut: 1a-mi apeqqutip akineqarnera takuuk.

ESANI ilassuteqarpoq, eqqagassalerinermi suleriaasissat qaqugu naammassineqarnissaasa naatsorsuutigineqarnerat paasissutissiissutigisinnaanagu, qanoq annertutigisumik kommuninit sakkussalersuinissaq apeqqutaammat.

3. Sisimiuni eqqakkanik ikuallaavik atulterpat, illoqarfiit nunaqarfiillu qanoq akulikitsigisumik eqqakkanik aallertoqartarnissaa naatsorsuutigisinnaavaat?

Akissut: ESANI Pinngortitamut Avatangiisinullu Naalakkersuisoqarfimmut paasissutissiivoq, ”Illoqarfiit nunaqarfiillu tamarmik immikkut eqqakkanik suleriaasissiat najoqqutaralugit eqqakkanik aallertarnerit ingerlanneqartassasut. Eqqakkanik aallertarnissamut aqqissuussinerit atulerpata, illoqarfinni eqqakkat poortukkat qaammammut ataasiarlutik aaneqartarnissaat naatsorsuutigineqarpoq. Tamannalu sikusarnera eqqarsaatigineqassaaq. Inoqarfinni mikinerusuni eqqakkanik aallertarnermi inuit amerlassusaat apeqqutaassapput, kisianni ukiumut pingasoriarlutik-sisamariarlutik inoqarfinniik aallertoqartarnissaa naatsorsuutigineqarpoq.”

4. Naalakkersuisut oqaluuserisamut soqutiginaatilinnik allanik paasissutissiisinnaanarlutik?


Akissut: Eqqagassalerinermi suliassaqarfik Naalakkersuisut kommunillu akornanni agguarneqarpoq. Tamanna isumaqarpoq, eqqagassalerineq eqqagassanillu piianeq kommunit oqartussaaffigaat. Naalakkersuisut inatsisitigut tunngaviit qulakkeernissaannut akisussaasuupput kiisalu kommunit qanimut suleqatigalugit eqqagassalerinermut suliassaqarfik malittaraat – peqataaffigaat – ineriartortitseqataaffigalugulu.

Kommune Kujalleq, Kommuneqarfik Sermersooq, Qeqqata Kommunia Kommune Qeqertalillu ataatsimoorlutik ESANI A/S pilersippaat. Tamanna Naalakkersuisut EU-p ikuallaanermut malitassaanik eqquutsitsisumik eqqagassalerisinnaanissamik siunertaqartumit pivoq.

Avannaata Kommuniata ESANI piginneqataaffiginngilaa. Avannaata Kommuniatali ESANI isumaqatigiissuteqarfiginikuuaa. Tamanna isumaqarpoq, Avannaata Kommunia akiliilluni Sisimiunut eqqakkanik nassiussisinnaavoq, namminerli assartuussineq isumagissavaa.

Inussiarnersumik inuulluaqqusillunga


Bentiaaq Ottosen



2. juni 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaaterparpunga.

Naalakkersuisunut apeqquteqaatit:

1. **Sisimiuni eqqakkanik ikuallaaviup pilersinneqarnera paasissutissat tigussaasut kingulliit malillugit 2025-imi aasap ingerlanerani atulernissaminut piareertussaavoq. Killiffik ersarisoq Naalakkersuisut nalunaarutigisinnaanerpaa?**
 - a. **Sisimiuni eqqakkanik ikuallaavik nunatsinni illoqarfinnit nunaqarfinniillu allanik eqqakkanik, amerligaluttuinnartunik, aallertarnissamut qanoq kinguneqassava?**
2. **Nuna tamakkerlugu eqqakkanik katersuinerup pitsaanerusumik ingerlalernissaanut, piffissap qanoq sivisutiginnissaa Naalakkersuisut naatsorsuutigaa?**
3. **Illoqarfiit nunaqarfiillu qanoq akulikitsigisumik eqqakkanik aallertoqartarnissaa naatsorsuutiginnissaa, Sisimiuni eqqakkanik ikuallaavik atulerpat?**
4. **Naalakkersuisut oqaluuserisamut soqutiginaatilinnik allanik paasissutissiisinnanerlutik?**

(Inatsisartunut ilaasortaq Karen Marie Kyed Frederiksen, Demokraatit)

Tunngavilersuut

Illoqarfippassuit nunaqarfippassuillu ullumikkut aaneqartannginnertik peqqutigalugu eqqakkat qaleriaaginnartut atugaraat. Tamanna peqqissutsimut avatangiisinullu kingunerluppoq.

Kommunit ataatsimoorussamik ingerlataata ESANI A/S-ip eqqakkanik passussinerup ataatsimut suliniutigineqarnerata ineriartortinnissaasa akisussaaffiginera tigunikuuaa tassungalu atasumik suliassarilerlugu qitiusunik marlunnik eqqakkanut ikuallaavinnik pilersitsinissaq; ataaseq Nuummi, ingerlareersoq, ataaserlu Sisimiuni paasissutissat tiguinnaat kingulliit malillugit 2025-imi aasap ingerlanerani inaarneqartussatut naatsorsuutigineqartoq. Sisimiuni ikuallaavittaassaq nunatsinni tamarmi eqqakkanik passussinermi pingaarnepaasussatut naatsorsuutaavoq.

Taamatullu Naalakkersuisut nalunaarutigaat, kommunit immikkut akuerineqarallarsimasut piffinni eqqakkanik ikuallaanertik ingerlassinnaallugu 31. juli 2025 tikilllugu, ilimanarmat, Sisimiuni ikuallaavissaq siusinnerpaamik ullup taassuma kingorna piareersimassasoq.

Isumaqarpunga, pingaartorujussuusoq paasilluassallugu, Sisimiuni eqqakkanik ikuallaavik qaqugu atulissanersoq, nunatsinni illoqarfinni nunaqarfinnilu eqqakkat katersorneqarniassammata attanneqarsinnaasumillu atorneqalerluni. Taamatuttaaq isumaqarpunga, innuttaasunut pingaartuusoq eqqakkanik katersinermut siunissami pilersaarutip paasinissaa.



DEMOKRAATIT
DEMOKRATERNE

Apeqquteqaatima ullut suliffiusut qulit iluanni akineqarnissaat qilanaaraara.